

帝禹集

帝禹小傳

帝禹，姒姓，名文命，鯀子，蜀之石紐人。禹為人敏給克勤，聲為律，身為度。堯以為司空，封夏伯，因稱伯禹。後受舜禪，號「有夏氏」，亦號「夏后氏」，為金德，始降稱王。據《中華史表》，帝禹於公元前二一八三年至公元前二一七五年在位，共九年，一曰在位八年，一曰在位十年。諡曰「禹」，亦稱神禹、大禹。

帝禹集目錄

小傳 三

目錄 四

卷一 舊存

禹誓 五

禹禁 五

政語 五

夏箴 二則 六

開望 六

簋簠銘 七

祀六沴 七

卷二 新輯

五子之歌 五則 八

夏后氏紀命 九

禹貢 一〇

禹曰 四十八則 一二

帝禹集卷一 舊存

禹誓

濟濟有眾。咸聽朕言。非惟小子。敢行稱亂。蠱茲有苗。用天之罰。若予既率爾群對諸群。以征有苗。
墨子·兼愛下

異文 濟濟有眾。咸聽朕命。蠱茲有苗。昏迷不恭。侮慢自賢。反道敗德。君子在野。小人在位。民

棄不保。天降之咎。肆予以爾眾士。奉辭罰罪。爾尚一乃心力。其克有勳。
尚書·虞書·大禹謨 太平御覽卷三〇七·兵部三八·

誓眾 冊府元龜卷一
二一·帝王部·征討

禹禁

春三月。山林不登斧。以成草木之長。夏三月。川澤不入網罟。以成魚鼈之長。且以并農力。執成男女之功。
周書·大聚篇

政語

民無食也。則我弗能使也。功成而不利於民。我弗能勸也。
賈誼新書·脩政語上

夏箴其一

中不容利。民乃外次。周書·文傳
篇引夏箴

異文中不容利。人乃以外刺。北堂書鈔卷三〇·
政術部四·貪暴十

夏箴其二

小人無兼年之食。遇天饑。妻子非其有也。大夫無兼年之食。遇天饑。臣妾輿馬非其有也。戒之哉。

弗思弗行。至無日矣。周書·文傳
篇引夏箴

異文小人無兼年之食。妻子非其妻子也。文選卷三十六·永
明九年策秀才文注

士無兼年之食。遇天飢。妻子非其妻子也。大夫無兼年之食。遇天飢。輿馬臣妾非其有也。國

無兼年之食。遇天飢。百姓非所有也。戒之哉。太平御覽卷三五·
時序部二〇·凶荒

大夫無兼年之食。遇天饑。臣妾非其臣妾也。卿大夫無兼年之食。遇天饑。臣妾輿馬非其有

也。國無兼年之食。遇天饑。百姓非其所有也。太平御覽卷五八
八·文部四·箴

開望

土廣無守。可襲伐。土狹無食。可圍竭。二禍之來。不稱之災。天有四殃。水旱饑荒。其至無時。非

務積聚。何以備之。周書·文傳篇引開望
北堂書鈔卷一〇二

異文天有四殃。水旱饑荒。其至無時。非積畜何以備之。太平御覽卷三五。時序部二〇。凶荒。

簣簣銘

教寡人以道者。擊鼓。教寡人以義者。擊鐘。教寡人以事者。振鐸。語寡人以憂者。擊磬。語寡人以獄訟者。揮鞀。鞀子。淮南子。汜論訓。

異文喻寡人以義者。擊鐘。告寡人以事者。振鐸。告寡人以憂者。擊磬。有獄訟告寡人者。搖鞀。

初學記卷十
六。聲六

語寡人以獄者。揮鞀。文選卷三十六。永明九年策秀才文注。

教以義者。擊鍾。教以事者。振鐸。語以憂者。擊磬。語以訟獄者。揮鞀。藝文類聚卷四十四。樂部四。荀纂。

祀六沴

若爾神靈。洪祀。六沴是合。無差無傾。無有不正。若民有不敬事。則會批之六沴。六事之機。以垂示我。民人無敢不敬事。上下王祀。尚書大傳。鴻範五行傳。

異文洪範。六瀾是合。

以縣示我。我民人無敢不敬事。以上太平御覽卷五二四。禮儀部三。祭禮上。

帝禹集卷二 新輯

五子之歌其一

太康失邦。昆弟五人。須于洛汭。作五子之歌。太康尸位以逸豫。滅厥德。黎民咸貳。乃盤遊無度。畋于有洛之表。十旬弗反。有窮后羿。因民弗忍。距于河。厥弟五人。御其母以從。後于洛之汭。五子咸怨。述大禹之戒以作歌。其一曰。皇祖有訓。

民可近。不可下。民惟邦本。本固邦寧。予視天下。愚夫愚婦。一能勝予。一人三失。怨豈在明。不見是圖。予臨兆民。懷乎若朽索之馭六馬。為人上者。奈何不敬。尚書·夏書·五子之歌

異文民可近。弗可下。太平御覽卷八二·帝王部七·帝太康

不見是圖。為人上者。太平御覽卷五七〇·樂部八·歌一

五子之歌其二

其二曰。訓有之。

內作色荒。外作禽荒。甘酒嗜音。峻宇彫牆。有一于此。未或不亡。尚書·夏書·五子之歌 太平御覽卷八二·帝王部七·帝太康

異文峻宇雕牆。有一于此。未或弗亡。太平御覽卷五七〇·樂部八·歌一

五子之歌其三

其三曰。

惟彼陶唐。有此冀方。今失厥道。亂其紀綱。乃底滅亡。

尚書·夏書·五子之歌 太平御覽卷八二·皇王部七·帝太康

五子之歌其四

其四曰。

明明我祖。萬邦之君。有典有則。貽厥子孫。關石和鈞。王府則有。荒墜厥緒。覆宗絕祀。

尚書·夏書·五子之歌

五子之歌其五

其五曰。

嗚呼曷歸。予懷之悲。萬姓仇予。予將疇依。鬱陶乎予心。顏厚有忸怩。弗慎厥德。雖悔可追。

尚書·夏書·五子之歌

夏后氏紀命

夏后氏紀命。

豎亥步經。大章行緯。暢于八極。方以為國。十國而有長。長有師。五長而一師。師五十國。州十有

二師。州有牧。牧有師于上京。

永樂大典卷七七〇二

禹貢

禹別九州。隨山濬川。任土作貢。

禹敷土。隨山刊木。奠高山大川。冀州既載。壺口治梁及岐。既修太原。至于岳陽。覃懷底績。至于衡漳。厥土惟白壤。厥賦惟上上錯。厥田惟中中。恒衛既從。大陸既作。島夷皮服。夾右碣石。入于河。濟河惟兗州。九河既道。雷夏既澤。灋沮會同。桑土既蠶。是降丘宅土。厥土黑墳。厥草惟繇。厥木惟條。厥田惟中下。厥賦貞。作十有三載。乃同。厥貢漆絲。厥篚織文。浮于濟漯。達于河海。岱惟青州。嵎夷既略。濰淄其道。厥土白墳。海濱廣斥。厥田惟上下。厥賦中上。厥貢鹽絺。海物惟錯。岱畎絲枲。鈐松怪石。萊夷作牧。厥篚檿絲。浮于汶。達于濟海。岱及淮惟徐州。淮沂其乂。蒙羽其藝。大野既豬。東原底平。厥土赤埴墳。草木漸包。厥田惟上中。厥賦中中。厥貢惟土五色。羽畎夏翟。嶧陽孤桐。泗濱浮磬。淮夷蠙珠暨魚。厥篚玄纁縞。浮于淮泗。達于河淮。海惟揚州。彭蠡既豬。陽鳥攸居。三江既入。震澤底定。篠簜既敷。厥草惟夭。厥木惟喬。厥土惟塗泥。厥田惟下下。厥賦下上錯。厥貢惟金三品。璆琕篠簜。齒革羽毛惟木。島夷卉服。厥篚織貝。厥包橘柚錫貢。汭于江海。達于淮泗。荊及衡陽惟荊州。江漢朝宗于海。九江孔殷。沱潛既道。雲土夢作乂。厥土惟塗泥。厥田惟下中。厥賦上下。厥貢羽毛齒革。惟金三品。杅榦栝柏。礪砥砮丹。惟箛簞篚。三邦底貢厥名。包匭菁茅。厥篚玄纁璣組。九江納錫大龜。浮于江沱潛漢。逾于洛。至于南河。荊河惟豫州。伊洛瀍澗。既入于河。滎波既豬。導荷澤。被孟豬。厥土惟壤。下土墳壚。厥田惟中上。厥賦錯

上中。厥貢漆枲絺紵。厥篚織纈。錫貢磬錯。浮于洛。達于河。華陽黑水惟梁州。岷嶓既藝。沱潛既道。蔡蒙旅平。和夷底績。厥土青黎。厥田惟下上。厥賦下中三錯。厥貢珍鐵。銀鏤咎磬。熊羆狐狸織皮。西傾因桓是來。浮于潛。逾于沔。入于渭。亂于河。黑水西河惟雍州。弱水既西。涇屬渭汭。漆沮既從。澧水攸同。荊岐既旅。終南惇物。至于鳥鼠。原隰底績。至于豬野。三危既宅。三苗丕敘。厥土惟黃壤。厥田惟上上。厥賦中下。厥貢惟球琳琅玕。浮于積石。至于龍門西河。會于渭汭。織皮毳毼。析支渠搜。西戎即敘。導岍及岐。至于荊山。逾于河。壺口雷首。至于太岳。底柱析城。至于王屋。大行恒山。至于碣石。入于海。西傾朱圉鳥鼠。至于太華。熊耳外方桐柏。至于陪尾。導嶓冢。至于荊山。內方。至于大別。岷山之陽。至于衡山。過九江。至于敷淺原。導弱水。至于合黎。餘波入于流沙。導黑水。至于三危。入于南海。導河積石。至于龍門。南至于華陰。東至于底柱。又東至于孟津。東過洛汭。至于大伾。北過降水。至于大陸。又北播為九河。同為逆河。入于海。嶓冢導漾。東流為漢。又東為滄浪之水。過三澨。至于大別。南入于江。東匯澤為彭蠡。東為北江。入于海。岷山導江。東別為沱。又東至于澧。過九江。至于東陵。東迤北會于匯。東為中江。入于海。導沅水。東流為濟。入于河。溢為滎。東出于陶丘北。又東至于荷。又東北會于汶。又北東入于海。導淮自桐柏。東會于泗沂。東入于海。導渭自鳥鼠同穴。東會于澧。又東會于涇。又東過漆沮。入于河。導洛自熊耳。東北會于澗瀼。又東會于伊。又東北入于河。九州攸同。四隩既宅。九山刊旅。九川滌源。九澤既陂。四海會同。六府孔修。庶土交正。底慎財賦。咸則三壤。成賦中邦。錫

土姓。祗台德先。不距朕行。五百里甸服。百里賦納總。二百里納銍。三百里納秸服。四百里粟。五
百里米。五百里侯服。百里采。二百里男邦。三百里諸侯。五百里綏服。三百里揆文教。二百里奮武
衛。五百里要服。三百里夷。二百里蔡。五百里荒服。三百里蠻。二百里流。東漸于海。西被于流
沙。朔南暨聲教。訖于四海。禹錫玄圭。告厥成功。尚書·夏書·禹貢

禹曰其一

曰若稽古大禹。曰文命敷於四海。祗承于帝。曰。

后克艱厥后。臣克艱厥臣。政乃乂。黎民敏德。尚書·虞書·大禹謨 太平御覽卷六二二·治道
部·治政一 冊府元龜卷三一·宰輔部·謀猷

禹曰其二

帝曰。俞。允若茲。嘉言罔攸伏。野無遺賢。萬邦咸寧。稽于眾。舍己從人。不虐無告。不廢
困窮。惟帝時克。益曰。都。帝德廣運。乃聖乃神。乃武乃文。皇天眷命。奄有四海。為天下
君。禹曰。

惠迪吉。從逆凶。惟影響。尚書·虞書·大禹謨

禹曰其三

益曰。吁。戒哉。儆戒無虞。罔失法度。罔遊于逸。罔淫于樂。任賢勿貳。去邪勿疑。疑謀勿成。百志惟熙。罔違道以干百姓之譽。罔拂百姓以從己之欲。無怠無荒。四夷來王。禹曰。

於。帝念哉。德惟善政。政在養民。水。火。金。木。土。穀。惟修。正德。利用。厚生。惟和。九功惟敘。九敘惟歌。戒之用休。董之用威。勸之以九歌。俾勿壞。尚書·虞書·大禹謨

異文九功惟序。九序惟歌。

初學記卷十五·樂部上·歌

禹曰其四

昔大禹之敘九功曰。

利用以阜財。厚生以養民。

冊府元龜卷六七八·牧守部·興利

禹曰其五

帝曰。惟時有苗弗率。汝徂征。禹乃會羣后。誓于師曰。

濟濟有眾。咸聽朕命。蠢茲有苗。昏迷不恭。侮慢自賢。反道敗德。君子在野。小人在位。民棄不保。天降之咎。肆予以爾眾士。奉辭罰罪。爾尚一乃心力。其克有勳。尚書·虞書·大禹謨 太平御覽卷三〇七·兵部三八·警眾

異文肆予以爾眾士。奉辭伐罪。

藝文類聚卷五九·武部·戰伐

禹曰其六

帝曰。格汝禹。朕宅帝位。三十有三載。耄期倦于勤。汝惟不怠。總朕師。禹曰。

朕德罔克。民不依。皋陶邁種德。德乃降。黎民懷之。帝念哉。念茲在茲。釋茲在茲。名言茲在茲。

允出茲在茲。惟帝念功。

尚書·虞書。
大禹謨。

禹曰其七

帝曰。來禹。降水儆予。成允成功。惟汝賢。克勤于邦。克儉于家。不自滿假。惟汝賢。汝惟不矜。天下莫與汝爭能。汝惟不伐。天下莫與汝爭功。予懋乃德。嘉乃丕績。天之歷數在汝躬。汝終陟元后。人心惟危。道心惟微。惟精惟一。允執厥中。無稽之言勿聽。弗詢之謀勿庸。可。愛非君。可畏非民。眾非元后何戴。后非眾罔與守邦。欽哉。慎乃有位。敬修其可願。四海困窮。天祿永終。惟口出好興戎。朕言不再。禹曰。

枚卜功臣。惟吉之從。

尚書·虞書。
大禹謨。

禹曰其八

帝初于歷山。往于田。日號泣于旻天。于父母。負罪引慝。祇載見瞽瞍。夔夔齋慄。瞽亦允若。至誠感神。矧茲有苗。禹拜昌言曰。

俞。班師振旅。尚書·虞書。大禹謨。

異文舜拜昌言曰。俞。班師振旅。冊府元龜卷三十一。宰輔部·謀猷。

禹曰其九

曰。若稽古皋陶。曰。允迪厥德。謨明弼諧。禹曰。

俞。如何。尚書·虞書。皋陶謨。

異文然。如何。史記卷二。夏本紀第二。

禹曰其十

皋陶曰。都。慎厥身。修思永。惇敘九族。庶明勵翼。邇可遠在茲。禹拜昌言曰。

俞。尚書·虞書。皋陶謨。冊府元龜卷三十一。宰輔部·謀猷。

異文禹拜美言曰。然。史記卷二。夏本紀第二。

禹曰其十一

皋陶曰。都。在知人。在安民。禹曰。

吁。咸若時。惟帝其難之。知人則哲。能官人。安民則惠。黎民懷之。能哲而惠。何憂乎驩兜。何遷

乎有苗。何畏乎巧言令色孔壬。

尚書·虞書·皋陶謨
十九·晉紀總論注

後漢書二十五·列傳第十五注
太平御覽卷四四二·人事部八三·知人上
冊府元龜卷三一·宰輔部·謀猷

異文吁。皆若是。惟帝其難之。知人則智。能官人。能安民則惠。黎民懷之。能知能惠。何憂乎驩

兜。何遷乎有苗。何畏乎巧言善色佞人。

史記卷二·夏本紀第二

知人則哲。惟帝難之。

後漢書卷三十三·列傳第二十三
三國志卷四·魏書·三少帝紀第四

禹謂咎繇曰。知人其難之。

唐·常袞·授薛
邑吏部侍郎制

咎繇對禹曰。在知人。知人則哲。惟帝難之。

漢書卷六·武帝紀第六

故皋陶曰。知人則哲。能官人。

漢書卷八十三·
傳第五十三

皋陶對禹。貴在知人。安人則惠。黎民懷之。

後漢書卷六十一·
列傳第五十一

禹曰其十二

皋陶曰。都。亦行有九德。亦言其人有德。乃言曰。載采采。禹曰。

何。
尚書·虞書·
皋陶謨

禹曰其十三

皋陶曰。朕言惠。可底行。禹曰。

俞。乃言底可績。
尚書·虞書·
皋陶謨

異文禹曰。女言致可績行。史記卷二。夏本紀第二。

禹曰其十四

皋陶曰。予未有知思。曰。

贊贊襄哉。尚書·虞書。
皋陶謨。

禹曰其十五

帝曰。來禹。女亦昌言。禹拜曰。

都。帝。予何言。予思曰孜孜。尚書·虞書·益稷。

異文於。予何言。予思曰孳孳。史記卷二。夏本紀第二。

禹曰其十六

皋陶曰。吁。如何。禹曰。

洪水滔天。浩浩懷山襄陵。下民昏墊。予乘四載。隨山刊木。暨益奏庶鮮食。予決九川。距四海。濬畎澮。距川。暨稷播奏庶艱食鮮食。懋遷有無化居。烝民乃粒。萬邦作乂。尚書·虞書·益稷。

異文鴻水滔天。浩浩懷山襄陵。下民皆服於水。予陸行乘車。水行乘舟。泥行乘橇。山行乘櫓。行